



冕服

衮冕

十二章之服

鷩冕

大裘而冕

冕服

卷六十二

書曰天命有德五服五章哉又曰予欲觀古人之象日

月星辰山龍華蟲作會宗彝藻火粉米黼黻絺繡以五

色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

周禮典絲凡祭祀共黼畫組就之物兩已相背已備曰繡

典命上公九命其衣服以九為節侯伯七命其衣服以七

為節子男五命其衣服以五為節王之三公八命其卿

命及其出封皆加一等其衣服亦如之

皮帛眡小國之君其卿三命其大夫再

命其士一命其衣服各眡其命之數侯伯之卿大夫士

書名 禮書一百五十卷 宋刊元修

本宋陳祥道撰卷六十三經禮三禮總義宋貴重8 A259500

彩色首頁1

東洋文化研究所漢籍目錄 編號: A259500

東洋文化研究所漢籍目錄所藏漢籍善本文影像資料庫 索書號: 貴重-8

漢籍善本文影像資料庫 文本禮書一百五十卷 宋刊元修本

版權所有: 東京大學 東洋文化研究所 使用上的注意事項

廟嚴坊記君子因睦以合族杜詩曰晉人刺其君不
親九族左傳曰庶人工商各有分親皆有等衰年終宋昭
公欲去羣公子樂豫曰公族公室之枝葉也不可縱尋斧
焉叔向曰公族將卑其宗族枝葉先落根本從而亡也
華亥欲代其兄合比為右師譜之於平公而逐之左師
曰汝夫也必亡汝喪而宗室於人何有人亦於汝何有
既而華亥果亡

書與詩序皆言九族特周禮小宗伯儀禮士昏禮記
仲尼燕居特言三族者三族父子孫也九族高祖至
玄孫也三族舉其本九族極其末舉三族則九族見
矣白虎通夏侯歐陽何琦如淳之徒以父族四母族
三妻族二為九族其說蓋以詩之葛藟刺平王不親
九族而言謂他人父謂他人母嬖弁刺幽王不親九

族而言豈伊異人兄弟甥舅角弓亦刺不親九族而言兄弟婚姻無胥遠矣則所謂九族者非特內宗而已是惡知詩人之所主者因內宗而發哉彼謂父族四者父之姓為一族父女昆弟適人者子為二族已女昆弟適人者子為三族已女適人者子為四族母族三者母之父母為一族母之昆弟為二族母之女昆弟為三族妻族二者妻之父為一族妻之母為二族然於母之駁則合而為一族妻之父母則離而為二可乎爾雅於內宗皆曰族於母妻曰黨而已又禮小功之未可以嫁娶妻之黨固無妨於嫁娶昏禮不容慮其不虞也然則九族之說當從孔安國鄭康成為正何則小記曰親親以三為五以五為九上殺下殺旁殺而親畢矣此九族隆殺之差也蓋已上親父下

親子三也以父親祖以子親孫五也以祖親曾高以孫親曾之九也然已之所親以一為三祖孫所親以五為七記不言者以父子一體而高之與曾高故不辨異之也服父三年服祖暮則曾祖宜之也高祖宜小功而皆齊衰三月者不敢以大小功齊視之服加乎至尊故重其衰麻尊尊也減其日月恩殺也此所謂上殺服適子三年庶子暮適孫暮庶孫大功適孫者也有適子者無適孫則長子在皆為庶孫也則曾孫宜五月而與玄孫皆總麻三月者曾孫服曾祖三月曾祖報之亦三月曾祖尊也故加齊衰曾孫卑也故服總麻此所謂下殺服祖暮則世叔宜大功以其與父一體故加以暮從世叔則疏矣加所不及故服小功族世叔又疏矣故服總麻此發父而旁殺者也祖之兄弟小功曾祖兄弟總麻

高祖兄弟無服此發祖而旁殺者也同父三
祖為從大功同曾祖為再從小司同高祖為三
麻此發兄弟而旁殺者也父為一其兄弟之子宜九
月不九月而某者以其猶子而進之也從兄弟之子
小功再從兄弟之子總麻此發子而旁殺者也祖為
孫大功兄弟之孫小功從兄弟之孫總麻此發孫而
旁殺者也蓋服有加也有報也有降也祖之齊衰世
叔從子之某皆加也曾孫之三月與兄弟之孫五月
皆報也若夫降有四品則非五服之正禮耳



周禮大宗伯以飲食之禮親宗族兄弟禮記曰若公與
族燕則異姓為賓膳宰為主人公與父兄齒族食世降
一等又曰公族無宮刑公與族燕則以齒而孝弟之道
遠矣其族令世降一等親親之殺而君臣之道著矣

大傳曰旁治昆弟令族以食序以昭穆別之以禮義人
道竭矣常棣燕兄弟也詩曰儂爾籩豆飲酒之飫儂味飲

合如鼓瑟琴王為族人燕則宗婦內兄弟既翕和樂且湛正義曰

言文孫炎曰飫非公朝私飲酒也周語有王公立飲曰立成禮也燕則有房燕親戚燕則
公朝在路明內也酒向所陳不宜在庭則在堂矣燕禮云昔路饗乃升堂少儀云堂上
無此燕則有之是燕由坐而跪履明飲立則不脫矣故云不脫履升堂謂之飲知飲禮
為圖非常議大疑者以周語云王公之有飲禮將以講事成禮建大德昭大物講事昭
物是有所謀矣明圖非常議大疑而為飲禮也周語曰王公立飲則有房燕親戚燕則
有殺燕又曰飲以顯物燕以合好則飲燕禮異序曰燕兄弟此陳飲者圖非常議大疑
乃有飲禮則飲大於燕天子燕宗族之禮士所以知王與族人燕則宗婦內宗從后者
湛露曰厭厭夜飲不醉無歸傳曰夜飲私燕也宗子將有事族人皆侍不醉而出是不
親也醉而不出是謀宗也箋云天子燕諸侯之禮士此假宗子之族人燕為說耳然則
天子燕同姓諸侯之禮猶宗子燕族人則天子燕宗族兄弟為朝廷臣者如宗子於族

人可知案特牲饋食禮祭末乃曰徹庶羞設於西序下注云為將餞去之庶羞主為尸非神饌也尚書傳曰宗室有事族人皆侍終日大宗已侍於賓莫然後燕私者何也已而尚族人飲也此徹庶羞置西序下者為將以燕飲也然則自尸祝至於兄弟之庶羞宗子尚族人燕飲於堂內賓宗婦之庶羞主婦以燕飲於房也知以彼特牲是宗子之祭禮族人及族婦皆助故經云宗婦執兩邊宗婦饋豆是宗婦及族人俱助宗子之祭及祭末族人既為宗子所燕明宗婦亦主宗婦之燕可知也

諸侯也詩曰湛湛露斯在彼豐草厭厭夜飲在宗載考

夜飲之禮在宗室同姓諸侯則成之於庶姓其讓則止正義云傳曰既待其宗然後得燕燕私者何而尚族人飲飲而不醉是不親醉而不出是不敬与此傳同毛伏俱大儒

當谷有所據而言也燕禮曰宵則庶子執燭於階上句人執大燭於庭闈人為燭於門外是兩階門庭皆有燭也楚茨詩曰諸宰君

婦廢徹不遲諸父兄弟備言燕私箋云祭祀畢歸賓客之祖同姓則留與之燕所以尊賓客觀骨肉也

樂具入奏以綏後祿爾穀既將莫怨具慶既醉既飽小

大籍首神嗜自飲食使君壽考同姓之臣燕已醉飽皆拜稽首曰神乃飲嗜君之飲食使君壽且考此其慶辭

先王之於同姓有時燕焉有因祭而燕焉國語曰時

燕不淫此時燕也詩曰諸宰君婦廢徹不遲諸父悅

弟備言燕私坊記曰因其酒肉聚其宗族以教民睦此

祭而燕也其禮之詳雖不可考要之服皮弁服即

燕人燕於堂后帥內宗之屬燕於房其物饋丞所

以皆好也其食世降一等所以辨親疏也昭穆以序

之所以明世次也夜飲以成之所以別異姓也若夫

几席之位升降之儀脫屣而坐立監相禮着庶羞以

盡愛爵樂無筭以盡驩其大率蓋與諸侯燕禮不異

諸侯燕族人與父兄齒雖王之尊蓋亦不以至尊廢

至親也特牲饋食禮祝告利成徹庶羞設于西序下

鄭氏引書傳曰宗室有事族人皆侍終日大宗已侍

於賓莫然後燕私燕私者何也已與族人飲也此徹

庶羞置西序下者為將以燕飲與然則自尸祝至於

兄弟之庶羞宗子以與族人燕飲於堂內賓宗婦之

庶羞主婦以燕飲于房由是觀之燕族之禮不特天

子諸侯而已

族飫之禮

周語定王謂晉隨會曰郊禘之事則有全烝王公立飫

則有房烝禮之立成者為烝親戚燕饗則有饋烝饋烝并解折今之祖也謂之折俎

女非他也而叔父使士季實來唯是先王之宴禮欲以

貽女余一人敢設飫禘焉夫王公諸侯之有飫也將以

講事成章章章程也建大德昭大物也大德大功也大物大器也故立成禮烝

而已立成不坐也烝升也升其借物而已飫以顯物宴以合好顯物示物備也故歲飫不倦

時宴不淫敬王十年莒弘欲城周衛彪後見單穆公曰

莒弘其不沒乎周詩有之曰天之所支不可壞也周詩賦詩其所歌也支

其所壞亦不可支也昔武王克殷而作詩此作以為飫歌

曰之曰八以遺及之人使丞監焉夫禮之立成者為飫

其欲教民戒也然則夫支之所道者必盡知天地之為

也不然不足以遺後之人今莒劉欲支天之所壞不亦

難乎魯語公父文伯之母祭悼子康子與焉胙不受徹

且不寡宗不具不繹繹不盡飫則退昭謂立曰飫坐曰具宗具則與

醜餉之失皆所以遠嫌也公父文伯之母欲室文伯饗其宗老請守龜卜

室之族師亥聞之曰善哉男女之饗不及宗臣宗室之

謀不過宗人

古者合族之禮方其平居無事則有燕以申好及其

有大疑謀則有飫以圖事燕則脫履升堂坐而不立

其牲體折節而殺胥所以致愛飫不脫履升堂立而

不坐其牲體半解而房胥所以致嚴周語曰王公之


有飫禮將以講事成章建大德昭大物故立成禮烝

而已又曰歲飫不倦然則飫以圖事非必歲為之也

國語言歲飫時燕蓋明其䟽數之異而已衛彪後曰
武王克商作詩以爲飫歌名之曰支以遺後之人使
永監焉以其戒慎尤在於厭飫之時也公父文伯之
母祭悼子康子與焉繹不盡飫而退則飫非若燕禮
之多儀也

禮書卷第六十三終





不 許 複 製

NOT TO BE REPRODUCED

東京大学東洋文化研究所